



جاپتن حال احوال آكام اسلام فولاو فينغ

خطبة عيد الأضحى 1443هـ

“AIDIL ADHA:
KEMENANGAN SETELAH PENGORBANAN”

Tarikh Bacaan:
10 ذوالحجه 1443هـ
bersamaan
10 جولاي 2022م

فرچيتقن ديباياي:



زكاة فولاو فينغ

No Telefon: 04-549 8088

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Penolong Pengarah Kanan, Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



TEKS KHUTBAH AIDIL ADHA 1443H

AIDIL ADHA: KEMENANGAN SETELAH PENGORBANAN

(10 ZULHIJJA 1443H/ 10 JULAI 2022 M)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
وَلِلَّهِ الْحَمْدُ.

اللَّهُ أَكْبَرُ كَبِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ وَبِحَمْدِهِ بُكْرَةً وَأَصِيلًا.
اللَّهُ أَكْبَرُ مَا تَحَرَّكَ مُتَحَرِّكٌ وَارْتَجَّ، وَلَبَّى مُحَرَّمٌ وَحَجٌّ، وَقَصَدَ الْحَرَمَ مِنْ
كُلِّ فَجٍّ، وَأَقِيمَتْ لِلَّهِ هَذِهِ الْأَيَّامُ مَنَاسِكُ الْحَجِّ.
اللَّهُمَّ لَكَ الْحَمْدُ بِالْإِيمَانِ، وَلَكَ الْحَمْدُ بِالْقُرْآنِ، وَلَكَ الْحَمْدُ بِالْأَمْنِ
وَالْأَمَانِ. نَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ شَهَادَةً عَبْدٌ مِنْ
عِبَادِهِ الْأَبْرَارِ، وَنَشْهَدُ أَنَّ مُحَمَّدًا عَبْدُ اللَّهِ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ خَاتَمِ الْأَنْبِيَاءِ، وَإِمَامِ
الْأَصْفِيَاءِ، وَعَلَى آلِهِ الْأَتْقِيَاءِ، وَأَصْحَابِهِ الْأَوْفِيَاءِ، وَمَنْ تَبِعَهُمْ بِإِحْسَانٍ
وَإِيمَانٍ إِلَى يَوْمِ الْجَزَاءِ .
أَمَّا بَعْدُ فَيَا عِبَادَ اللَّهِ، خَيْرُ مَا يُوصَى بِهِ الْأَنَامُ تَقْوَى اللَّهِ، فَاتَّقُوا اللَّهَ
فِي الْغَيْبِ وَالشَّهَادَةِ، تَفُوزُوا بِالْحُسْنَى وَزِيَادَةٍ.



اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.
عِبَادَ اللَّهِ رَحِمَكُمُ اللَّهُ،

Alhamdulillah, pada hari yang penuh kebahagiaan ini, khatib ingin mengajak kita semua untuk merafakkan setinggi-tinggi kesyukuran kepada Allah سُبْحَانَهُ وَتَعَالَى kerana kita masih dipanjangkan umur dalam ketaatan kepada Allah. Inilah hari yang penuh keberkatan dan kemuliaan seperti dalam sebuah hadis; daripada Ibn Abbas رَضِيَ اللَّهُ عَنْهُ, Nabi صَلَّى اللَّهُ عَلَيْهِ وَسَلَّمَ bersabda:

مَا مِنْ أَيَّامٍ الْعَمَلُ الصَّالِحُ فِيهَا أَحَبُّ إِلَى اللَّهِ مِنْ هَذِهِ الْأَيَّامِ يَعْنِي أَيَّامَ الْعَشْرِ، قَالُوا: يَا رَسُولَ اللَّهِ، وَلَا الْجِهَادُ فِي سَبِيلِ اللَّهِ؟ قَالَ: وَلَا الْجِهَادُ فِي سَبِيلِ اللَّهِ، إِلَّا رَجُلٌ خَرَجَ بِنَفْسِهِ وَمَالِهِ، فَلَمْ يَرْجِعْ مِنْ ذَلِكَ بِشَيْءٍ.

Maksudnya: “Tiada hari-hari yang amal soleh padanya paling disukai Allah untuk dilakukan melainkan hari-hari ini, iaitu 10 hari terawal Zulhijjah. Para Sahabat bertanya, “Wahai Rasulullah, walaupun jihad di jalan Allah tidak dapat menandinginya? Baginda bersabda, “Walaupun jihad di jalan Allah tidak dapat menandinginya, melainkan seorang lelaki yang keluar berjihad bersama hartanya, kemudian dia langsung tidak kembali.”

(Hadis Riwayat Al-Bukhari)

Kita berkumpul di hari yang penuh kemuliaan ini, pada waktu dan ketika saudara kita terutamanya jemaah haji dari Malaysia sedang mengerjakan ibadah Haji di tanah suci Mekah dalam suasana endemik setelah dua tahun pandemik Covid-19 melanda seantero dunia.

Alhamdulillah, pada tahun ini juga sebanyak 14,306 kuota jemaah Haji daripada Malaysia diluluskan oleh kerajaan Arab Saudi setelah dua



tahun bakal *dhuyufurrahman* dari negara kita menunggu dengan penuh kesabaran dan pengharapan.

Sebagai tanda kehambaan dan kesyukuran kepada Allah **سُبْحَانَهُ وَتَعَالَى**, marilah kita berusaha memperbanyakkan takbir dan tahmid, mulai solat Subuh pada 9 Zulhijjah. Selain itu, kita juga digalakkan menyembelih binatang ternakan, yang bertujuan membersihkan jiwa dan mendekatkan diri kepada Allah **سُبْحَانَهُ وَتَعَالَى**.

Bagi menterjemahkan rasa syukur atas segala ujian dan nikmat yang telah dikurniakan oleh Allah **سُبْحَانَهُ وَتَعَالَى** sebelum ini, marilah kita bersama-sama menghayati khutbah yang bertajuk **“Aidil Adha: Kemenangan Setelah Pengorbanan.”**

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

MUSLIMIN MUSLIMAT YANG DIRAHMATI ALLAH,

Dalam kehidupan seseorang manusia, pastinya tidak akan terlepas daripada sebarang ujian dan musibah yang datang dengan keizinan Allah **سُبْحَانَهُ وَتَعَالَى**. Bagi orang yang beriman, ujian dan dugaan itu merupakan manifestasi kasih sayang dan tanda ingatan daripada Allah **سُبْحَانَهُ وَتَعَالَى**. Mereka akan sentiasa bersabar dan bersangka baik dengan setiap ujian yang dihadapi.

Sambutan Aidil Adha adalah sangat berkait dengan pengorbanan keluarga Nabi Ibrahim **عَلَيْهِ السَّلَامُ**. Lihatlah bagaimana ketaatan yang ditunjukkan oleh Baginda **عَلَيْهِ السَّلَامُ**, isterinya Hajar dan anaknya Nabi Ismail **عَلَيْهِ السَّلَامُ** terhadap segala perintah Allah **سُبْحَانَهُ وَتَعَالَى**.



Baginda Nabi Ibrahim عَلَيْهِ السَّلَامُ diuji oleh Allah سُبْحَانَهُ وَتَعَالَى dengan pelbagai ujian sepanjang riwayat hidup Baginda, salah satunya adalah ujian zuriat. Allah lalu memancarkan bahagia dalam kehidupan Baginda dengan mengurniakan anak yang soleh. Seperti mana doa Baginda Nabi Ibrahim عَلَيْهِ السَّلَامُ yang menjadi amalan kepada kita semua dalam surah As-Saffat ayat 100:

رَبِّ هَبْ لِي مِنَ الصَّالِحِينَ

Maksudnya: “Ya Tuhanku, anugerahkanlah kepadaku seorang (anak) yang termasuk orang yang soleh.”

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

MUSLIMIN MUSLIMAT YANG DIRAHMATI ALLAH,

Para Nabi dan Rasul adalah golongan yang paling hebat diuji. Ini berdasarkan sebuah hadis Riwayat Imam Al-Bukhari yang bermaksud;

“Suatu hari seorang sahabat bertanya kepada Rasulullah صَلَّى اللَّهُ عَلَيْهِ وَسَلَّمَ, “Wahai Rasulullah, siapakah orang yang paling berat ujiannya?” Baginda صَلَّى اللَّهُ عَلَيْهِ وَسَلَّمَ pun menjawab: “Para Nabi, kemudian orang-orang soleh, kemudian yang sesudah mereka secara berturutan berdasarkan tingkat kesolehannya. Seseorang akan diuji sesuai dengan kadar agamanya.”

Khatib ingin membawakan salah satu contoh ujian yang dihadapi masyarakat ketika ini. Di negeri Pulau Pinang terdapat statistik penambahan mereka yang membunuh diri dengan terjun di jambatan akibat ujian dan tekanan hidup. Berita di media KOSMO bertarikh 5 Jun 2022 menunjukkan 17 kes bunuh diri di jambatan Pulau Pinang telah direkodkan bagi tahun 2022 sahaja. Perkara ini amat membimbangkan dan seakan-akan menjadi *trend* dengan mengambil jalan mudah iaitu membunuh diri apabila menghadapi ujian dan musibah.



Allah سُبْحَانَهُ وَتَعَالَى telah memberikan khabar mengenai pelbagai bentuk ujian yang akan dihadapi oleh manusia serta pentingnya kesabaran dalam menghadapinya melalui ayat 155 surah Al-Baqarah:

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ ۗ
وَبَشِّرِ الصَّابِرِينَ ﴿١٥٥﴾

Maksudnya: “Demi sesungguhnya! Kami akan menguji kamu dengan sedikit perasaan takut (kepada musuh) dan (dengan merasai) kelaparan, dan (dengan berlakunya) kekurangan dari harta benda dan jiwa serta hasil tanaman. Dan berilah khabar gembira kepada orang-orang yang sabar.”

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ،

MUSLIMIN MUSLIMAT YANG DIMULIAKAN ALLAH,

Kisah pengorbanan keluarga Nabi Ibrahim عَلَيْهِ السَّلَامُ bersama ahli keluarganya telah membuktikan bahawa sifat mereka yang sedia berkorban apa sahaja terutamanya dalam mentaati segala perintah Allah سُبْحَانَهُ وَتَعَالَى. Sebagai ganjaran terhadap pengorbanan mereka, Allah menunjukkan kasih sayangnya dengan menggantikan penyembelihan Nabi Ismail عَلَيْهِ السَّلَامُ dengan seekor kambing. Perkara ini dirakamkan melalui firman Allah SWT dalam surah As-Saffat ayat 107;

وَفَدَيْنَاهُ بِذَبْحٍ عَظِيمٍ ﴿١٠٧﴾

Maksudnya: “Dan kami tebus anak itu dengan seekor sembelihan yang besar.”

Melalui kisah ini, tersirat pengajaran kepada kita bahawa Allah **سُبْحَانَهُ وَتَعَالَى** memberikan khabar gembira kepada hamba-hamba yang mentaati perintah-Nya walaupun berdepan dengan pelbagai ujian dan rintangan. Setiap kesukaran, kesulitan dan kepayahan yang dihadapi sewaktu berada di atas muka bumi ini pastinya akan diberikan ganjaran yang hebat oleh Allah **سُبْحَانَهُ وَتَعَالَى** di akhirat kelak.

Oleh itu, janganlah kita bersedih dan berputus asa apabila menghadapi sebarang mehnah dan ujian dalam kehidupan. Banyakkan berdoa kepada Allah **سُبْحَانَهُ وَتَعَالَى** dan berusaha sebaik mungkin agar setiap masalah yang berlaku diberikan jalan keluar yang mudah. Hakikatnya, korban mengandungi makna yang amat luas, merangkumi segenap aspek kehidupan seorang manusia yang beriman, bukan semata-mata dengan menyembelih binatang ternakan.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ،

MUSLIMIN MUSLIMAT YANG DIMULIAKAN ALLAH,

Semangat pengorbanan yang tersirat di sebalik peristiwa para Nabi dan Rasul terdahulu wajar dijadikan iktibar dalam kehidupan seharian. Antaranya, berkorban dengan tabah menghadapi pelbagai ujian dan kepayahan hidup yang menekan jiwa. Berkorban dengan kuat berusaha mencari sumber pendapatan yang halal meskipun terpaksa berdepan dengan pelbagai cabaran dan rintangan. Selain itu, berkorban dengan apa yang masih kita miliki untuk menghulur bantuan kepada mereka yang lebih memerlukan.

Justeru, antara ibrah yang boleh dijadikan pedoman daripada khutbah pada hari ini adalah seperti berikut:



Pertama: Pengorbanan yang dilakukan oleh manusia dalam mentaati perintah Allah adalah bertujuan membuktikan ketulusan iman yang sempurna kepada Allah **سُبْحَانَهُ وَتَعَالَى**.

Kedua: Semangat berkorban yang perlu dimanifestasikan ketika sambutan Aidil Adha perlulah dihayati dalam maksud yang lebih luas, bukan hanya menyembelih binatang ternakan semata-mata.

Ketiga: Kunci kepada pengorbanan adalah dengan banyak bersabar dan meyakini janji Allah **سُبْحَانَهُ وَتَعَالَى**.

Firman Allah dalam surah Al-Jin ayat 16;

وَأَلَوْ اسْتَقَمُوا عَلَى الطَّرِيقَةِ لَأَسْقَيْنَهُمْ مَّاءً غَدَقًا ﴿١٦﴾

Maksudnya: *“Dan bahawa sesungguhnya! Kalaulah mereka beristiqamah di atas jalan (Islam), sudah tentu kami (akan memberikan mereka sebab-sebab kesejahteraan) juga menurunkan hujan lebat kepada mereka”*.

**بَارَكَ اللَّهُ لِي وَلَكُمْ بِالْقُرْآنِ الْعَظِيمِ. وَنَفَعَنِي وَإِيَّاكُمْ بِمَا فِيهِ مِنَ الْآيَاتِ
وَالذِّكْرِ الْحَكِيمِ. وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُوا اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.**

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،

لَا إِلَهَ إِلَّا اللَّهُ وَاللَّهُ أَكْبَرُ،

اللَّهُ أَكْبَرُ وَلِلَّهِ الْحَمْدُ.





Khutbah Kedua Aidil Adha

(10 ZULHIJJAH 1443H/ 10 JULAI 2022 M)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ

اللَّهُ أَكْبَرُ، وَلِلَّهِ الْحَمْدُ،

الْحَمْدُ لِلَّهِ رَبِّ الْعَالَمِينَ، حَمْدًا كَثِيرًا طَيِّبًا مُبَارَكًا فِيهِ عَلَى كُلِّ حَالٍ.
أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا رَسُولُ اللَّهِ لَا نَبِيَّ بَعْدَهُ.
اللَّهُمَّ صَلِّ وَسَلِّمْ عَلَى هَذَا النَّبِيِّ الْكَرِيمِ وَالرَّسُولِ الْعَظِيمِ سَيِّدِنَا وَحَبِيبِنَا
مُحَمَّدٍ وَعَلَى آلِهِ وَأَصْحَابِهِ وَمَنْ أَحَبَّهُ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

MUSLIMINDAN MUSLIMAT YANG DIRAHMATI ALLAH,

Alhamdulillah, marilah kita bersama-sama memanjatkan kesyukuran kepada Allah **سُبْحَانَهُ وَتَعَالَى** kerana telah mengizinkan kita bersama-sama menyambut perayaan Aidil Adha pada tahun ini. Hargailah nikmat ini dengan kesyukuran kepada Allah **سُبْحَانَهُ وَتَعَالَى** dan memperbanyakkan ibadah kepada-Nya.

Saudara-saudara kita yang sedang mengerjakan ibadah haji di tanah suci ketika ini, sedang memperbanyakkan lafaz talbiah kepada Allah **سُبْحَانَهُ وَتَعَالَى**. Sebagaimana yang kita sedia maklum, lafaz talbiah merupakan ikrar dan aku janji setia, daripada seseorang hamba kepada



Allah **سُبْحَانَهُ وَتَعَالَى** agar sentiasa patuh dan taat tanpa melakukan syirik terhadap-Nya.

**لَبَّيْكَ اللَّهُمَّ لَبَّيْكَ. لَبَّيْكَ لَا شَرِيكَ لَكَ لَبَّيْكَ.
إِنَّ الْحَمْدَ وَالنُّعْمَةَ لَكَ وَالْمَلِكَ لَا شَرِيكَ لَكَ**

Maksudnya: *"Hamba-Mu datang menyahut panggilanmu ya Allah. Hamba-Mu datang menyahut panggilan-Mu. Tuhan yang tiada sekutu bagi-Mu. Sesungguhnya segala puji dan nikmat dan kerajaan adalah kepunyaan-Mu, tiada sekutu bagi-Mu."*

Namun, bagi kita yang tidak mengerjakan ibadah haji, dianjurkan memperbanyakkan lantunan takbir, tahlil dan tahmid. Marilah kita gemakannya setiap kali selepas solat pada hari raya dan hari-hari tasyrik. Mudah-mudahan, amalan ini akan menghidupkan hati dan membangunkan jiwa dan secara tidak langsung mengagungkan kebesaran Allah **سُبْحَانَهُ وَتَعَالَى**.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ.

Sambutan hari raya Aidil Adha yang juga dikenali dengan hari raya korban mempunyai beberapa keistimewaan tersendiri. Antaranya menyembelih korban sebagai tanda bersyukur dengan rezeki yang dikurniakan kepada kita daripada Allah **سُبْحَانَهُ وَتَعَالَى**. Begitu besar ganjaran mereka yang melakukan ibadah korban adalah termaktub dalam sebuah hadis Riwayat At-Tirmizi;

**مَا عَمِلَ ابْنُ آدَمَ يَوْمَ النَّحْرِ عَمَلًا أَحَبَّ إِلَى اللَّهِ عَزَّ وَجَلَّ مِنْ هِرَاقَةٍ دَمٍ
وَإِنَّهُ لَيَأْتِي يَوْمَ الْقِيَامَةِ بِقُرُونِهَا وَأَظْلَافِهَا وَأَشْعَارِهَا وَإِنَّ الدَّمَ لَيَقَعُ مِنَ
اللَّهِ عَزَّ وَجَلَّ بِمَكَانٍ قَبْلَ أَنْ يَقَعَ عَلَى الْأَرْضِ فَطِيبُوا بِهَا نَفْسًا.**

Maksudnya: *"Tiada satu amalan yang sangat disukai Allah yang dilakukan oleh anak Adam pada hari Nahar (Aidil Adha) selain daripada menumpahkan darah (menyembelih binatang korban). Sesungguhnya ia*



akan datang pada hari Kiamat dengan tanduk-tanduknya, kuku-kukunya dan bulu-bulunya. Dan sesungguhnya darah itu akan menitis di satu tempat di sisi Allah sebelum ia tumpah ke bumi. Maka perelokkanlah korban itu.” (Hadis Riwayat At-Tirmizi dan Ibn Majah)

Marilah sama-sama kita bermuhasabah, di saat kita mampu membeli pelbagai barangan yang berjenama, perabut yang mewah dan peralatan serta gajet yang mahal, namun kadangkala kita berkira-kira untuk mengerjakan ibadah korban pada hari-hari tasyrik.

Semoga kita semua diberikan kecukupan serta dimurahkan rezeki bagi menjalankan ibadah korban dengan niat yang ikhlas kerana Allah **سُبْحَانَهُ وَتَعَالَى** pada tahun ini dan juga tahun-tahun berikutnya. Semoga ibadah korban yang kita laksanakan diterima oleh Allah **سُبْحَانَهُ وَتَعَالَى** sebagaimana firman Allah dalam surah Al-Maidah ayat 27;

... قَالَ إِنَّمَا يَتَقَبَّلُ اللَّهُ مِنَ الْمُتَّقِينَ ﴿٢٧﴾

Maksudnya: “....sesungguhnya Allah menerima korban dari orang-orang yang bertaqwa.”

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

MUSLIMIN DAN MUSLIMAT YANG DIRAHATI ALLAH,

Pada hari ini juga, marilah kita memperbanyakkan ucapan selawat dan salam ke atas junjungan besar Nabi Muhammad **صَلَّى اللَّهُ عَلَيْهِ وَسَلَّمَ**. Firman Allah **سُبْحَانَهُ وَتَعَالَى** dalam surah Al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

اللَّهُمَّ صَلِّ وَسَلِّمْ وَبَارِكْ عَلَى عَبْدِكَ وَرَسُولِكَ سَيِّدِنَا مُحَمَّدٍ النَّبِيِّ الْأُمِّيِّ.
وَارْضَ اللَّهُمَّ عَنِ الْأَرْبَعَةِ الْخُلَفَاءِ الرَّاشِدِينَ وَعَنْ آلِهِ وَأَصْحَابِهِ أَجْمَعِينَ.
وَعَنِ التَّابِعِينَ وَتَابِعِيهِمْ بِإِحْسَانٍ إِلَى يَوْمِ الدِّينِ، وَعَنَّا مَعَهُمْ بِعَفْوِكَ
وَإِحْسَانِكَ يَا أَرْحَمَ الرَّاحِمِينَ. اللَّهُمَّ اغْفِرْ لِلْمُسْلِمِينَ وَالْمُسْلِمَاتِ
وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ بِرَحْمَتِكَ يَا أَرْحَمَ
الرَّاحِمِينَ.

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ
أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً
مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى
صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah Duli
Yang Maha Mulia Seri Paduka Baginda Raja Permaisuri Agong, Tunku
Hajah Azizah Aminah Maimunah Iskandariah Binti Almarhum Al-
Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ
وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ
سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

*Ya Allah! Dengan sifat-Mu yang Maha Pemurah dan Maha Mendengar,
jadikanlah kami dan keturunan kami orang-orang yang istiqamah
menirikan solat secara berjemaah serta mengeluarkan zakat dan
melaksanakan waqaf di agensi Zakat dan Wakaf Pulau Pinang.*



Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ.

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ يَزِدْكُمْ وَاسْأَلُوهُ مِنْ
فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

